



17. Juni 2026

UPA2026/133

Pisortat suliffeqarfiutaani aasaanerani piffissat suliffiusartut nalilersorneqarsinnaanissaat pillugu apeqquteqaat aallaavigalugu oqallisissiasatut siunnersuut.

(Inatsisartunut ilaasortaq Aqqalu C. Jerimiassen, Atassut)

Siullermik Siumumiit Inatsisartunut ilaasortaq Aqqalu C Jerimiassen Atassut sinnerlugu oaeqquteqaat aallaavigalugu oqallisissiaanut qujassuteqarfigaarput, tassami sulisorpassuit ulluinnarni inuunerannut suliffiullu iluani atugassaannut attuumassuteqarneq sammineqarmat.

Siumumut pingaaruteqarpoq suliffiit aaqquissuusanerat sulisut atugarissaarnissaannut, sulilluarsinnaanissaannut aammalu suliffiup namminerisamillu inuuneqarnissap akornani oqimaatigiittoqarnissaanut iluaqutaasussanngorlugu ingerlanneqarnissaa.

Nalungilarput Kalaallit Nunaanni qaamanerup immikkut ittumik sunnertaraatigut. Aasaanerani ilaat unnukkut nukissaqarnerusarput, allat seqernup kaaviinnalernera unammillernarsinnaanera misigisarpaat. Taamaattumik naleqquttuuvoq oqallisigissallugu suliffiup nalunaaqutaa nunatsinni immikkut atugassarititaasunut naleqqussarfigineqartariaqalinnginnerusoq.

Siumumiit isumaqarpugut ullumikkut suliartorfissanik nalunaaqutalersuisimaneq suliffinnut sulisunullu nalilersortariaqaleripput.

Pisortat suliffeqarfiutai aamma aalisakkerivinni inunnik sulerusuttunik amingateqalersarneq aasaanerani annertunerpaajugunarpoq. Aammalu suliffeqarfiit pisortanik ingerlanneqartut assigiinngitsorpassuarnik suliassaqarfinnik imaqarput.

Sooq suliassaqarfiit ilaasa ammasarfii inunnut atuisunut sulisunullu naleqqussarneqarsinnangillat. Sooq assersuutigalugu nalunaaqutaaq ullaakkut arfineq marlunut arfineq pingasunulluunniit suliartortoqartariaqarpa suliffeqarfilluunniit piffissaq taanna ammartariaqarpa. Immaqa uffa ualikut nalunaaqutaaq pingasunut unnuttalerlugu ammaguni pisariaqartinanut naleqqunnerusoq.

Taamaattumik Siumumiit pitsaasutut isigaarput periarfissaqarfiusuni eqaattumik aaqqiissinnaanerit ingerlaavartumik nalilersorneqartariaqartut.

Aammalu najukkani aaqqiissuteqarniaraanni sulisut suliffiullu pisariaqartitaat mianerineqassasut.

Peqatigisaanillu pingaaruteqarpoq allannguutit pisinnaasut innuttaasunut kiffartuussinermik imaluunniit oqartussaasut suliffeqarfiillu akornanni suleqatigiinnermut sanngiillisitsinnginnissaat.

Soorunami aamma puigornagu ulluinnarni ilaqutariittut inuunerup ataqqineqarnissaa.

Taamaattumik Siumumiit naleqquttuuttipparput suliffinni sulinnermut eqaatsumik piffissalersortarnera misilittagaqartunit misilittakkat misissoqqissaarneqarnissaat aammalu aaqqiissutit suut atugarissaarnermik sulilluarsinnaassutsimillu pitsaanerulersitsinnaanersut nalilersorneqarnissaat.



Oqallisissiaq una Siumumiit assorujuk soqutigintikkatsisu oqaatingaarput, taamaattorli oqaatigerusullugu aamma, tassaangimmat nalunaaqutalersuilereerluni aalajangersaalerfik, kisianili periarfissaasinnaasunik oqallinneq.

Taamatut oqaaseqarluta oqallisissiamut qujavugut oqallitlluartoqarnissanullu kissaassilluta.

Jess Svane SIUMUT